

Title	漢詩
Author(s)	末永, 房野
Citation	懷德. 1937, 15, p. 68-68
Version Type	VoR
URL	https://hdl.handle.net/11094/88982
rights	
Note	

Osaka University Knowledge Archive : OUKA

<https://ir.library.osaka-u.ac.jp/>

Osaka University

七夕

玉英

春原

瑛

子

銀河一道幽宗秋。烏鵲橋邊會女牛。別緒綿々叙難盡。可憐孤月下簾鉤。

池田城址蟲聲

萬古壯圖沒草萊。空餘故壘李溪隈。英雄朽骨知何處。切切陰蟲斷續哀。

詠史

碧玲

佐野

鈴

子

潛辭宮闕遁林隈。深鎖柴門愁更催。秋冷嵯峨風月夕。彈琴寄思九重臺。

春霜不損花

昨夜寒風冒小房。竊思青女損春芳。開窓先見疎籬杏。不管天紅凝豔粧。

陶淵明飲酒圖

夕秀

末

永

房

野

籬菊方開秋氣盈。重陽酒熟玉壺清。先生獨酌忘憂物。日日看山遠世情。

宿某驛

故鄉千里暮天遙。荒驛人希燈影搖。黃葉飄空鳴雁度。羈窓半夜雨蕭蕭。